

嘉慶新修江寧府志

新修江寧府志卷之五十四

藝文上

自史家志藝文爲邑乘者多沿其例江寧名賢著述非  
乏而自南宋景定以來爲府縣志者多闕不書使遺文  
泯沒賢哲湮晦是大可惜已今鈔撮省志采問故家參  
諸舊史得四部書目若干著錄以補其闕昔班固志藝  
文或於書下稍注其人之梗槩茲志於其有可考者仿  
其例亦略書焉凡志中已立傳者不復注而其書爲此方著作及文  
之有關切要者別爲中下二卷作藝文志

吳唐固公羊傳注

吳志略  
統傳

春秋穀梁傳注十三卷

隋書  
經籍

志按舊唐書經籍志作十二卷春秋外傳國語注二十一卷隋書經籍志春

秋古今盟會地圖一卷隋書經籍志注

晉葛洪喪服變除一卷隋書經籍志要用字苑一卷新唐書藝文志

宋顏延之逆降義一卷隋書經籍志注禮論降義三卷舊唐書經籍志

詁幼二卷隋書經籍志注按舊唐書經籍志作詁幼文三卷纂要六卷舊唐書經籍志

梁陶宏景毛詩序注一卷鄭元三禮目錄注一卷集注

孝經一卷集注論語十卷新唐書藝文志

唐許叔牙毛詩纂義十卷新唐書藝文志

宋鄭揚庭時用書十三卷明用書九卷易傳辭三卷易

傳辭後語一卷宋史藝文志江南通志鄭夬字揚庭江寧人得邵堯夫易學於王天悅著易傳

易例三十卷夫傳吳祕祕傳劉牧又作明數明象明道  
明次例明範五篇按文獻通考作鄭揚庭易傳十三卷  
而下引邵伯溫辨惑力言揚庭授受之誣又沈括夢  
路筆談但以夬為江南人省志云江寧未詳何據也

白璞朝野新聲中和正韻

江南通志按志云六合白璞

元張璠冕弁冠服考孝經口義四經歸極

江南通志

明金賢春秋紀恩十卷

明史藝文志

春秋或問

江南通志

張瑄五經研朱集二十二卷

明史藝文志

徐霖中原音韻注釋

江南通志

沈越春秋分國便覽春秋經傳集解

江南通志

李登六書指南三卷撫古遺文三卷補遺一卷書文音

義便考私編五卷附難字直音一卷

四庫書目

焦竑易筌六卷

明史藝文志

附論一卷

四庫書目

禹貢解一卷

工記解二卷俗書刊誤十二卷

明史藝文志

顧起元爾雅堂詩說四卷中庸外傳三卷

明史藝文志

賈必選松蔭堂學易六卷

四庫書目

春秋纂注

江南通志

獨孤塞易悟書起

上元縣志按志塞字吾體總角時喜讀盱江姚江語錄躬行善行以貧死

所著又有理學資深錄

王可學易原

江南通志

周維藩闡微易學宗旨

江南通志

袁兆登大樂嘉成一卷

四庫書目按書目兆登字璠石江寧人崇正時舉人官休寧縣

教諭

笄純良鸞湖讀易十二卷

江南通志按志云白容笄純良

張榜五經正解

江南通志

顧昊詩易詳解四書語林

江浦縣志

丁遂四書解

江浦縣志

湯有光六書釋義

六合縣志按志有光廩生工詩賦萬曆元年獻嘉禾瑞麥頌恩例授儒官

著有詞韻六書釋義二書

孫國教古今易索八卷易索八卷

江南通志

劉閔家禮考昭穆圖宗子說五倫啓蒙

江南通志

孔四可易解

高淳縣志按志四可字願之任兵馬司政事外以書法文章名於世一時名宿咸推

重焉力學修身至老不倦著有四遊集金蘭翰墨易解玉蘭集諸書行於世

斤多

藝文

三

吳宗尹易經要旨

高淳縣志按志宗尹字任宇萬厯間諸生事父以孝聞治周易得程朱正

傳著有通德堂集娛老編易經要旨子斌南亦有著述

徐濟世大易講義

高淳縣志按志濟世字紹川邑增生著大義講義門人李昌裘得其傳

孫維明易學統此集二十卷

四庫書目按書目維明撰其子越續成之前有天啓

四年維明自序

國朝張怡讀易私鈔二十卷

江南通志作江浦張怡原誤

尚書策取十

五卷白雲言詩十二卷三禮合集二十八卷四書會通

十六卷大學古本鈔二卷中庸通一解二卷

上元縣志

張正綱周易注春秋注

上元縣志

趙起元事易心尚書大問詩權箋義禮權大問春秋大

義十論

上元縣志

方文六書貫

上元縣志

洪嘉植易說

上元縣志按志嘉植字秋士一字去蕪歙人僑居江寧晚年尤力學著有易說春秋

農田間記封建宗法等書人稱為滙邨先生

朱元英左傳拾遺

江南通志

方苞周官集注十二卷周官析疑三十六卷考工記析

義四卷周官辨一卷儀禮析疑十七卷禮記析疑四十

六卷喪服或問春秋通論四卷春秋比事目錄四卷春

秋直解左傳義法刪定崑山徐氏經解

劉捷詩經臆說

上元縣志

新修江寧府志

卷之五古

藝文



黃越四書大全

黃瑞四書講義錄會要錄

上元縣志

吳啓昆索易臆說二卷

牛建章易經解義二卷

上元縣志

林曠易待

上元縣志曠字青雷號堃平其先閩之莆田人年九十恩貢生著易待古今班志二書未

行於世

張聖度五經衷一

上元縣志按志張徽典字慎五號省旂著小學圖注子聖度輯五經衷一

因病故禮記缺

楊東生讀易私箋四書匡注

江寧縣志按志東生字爲勇明諸生順治初授南陵

學訓著有讀易私箋四書匡注保世祥音居家金鏡

楊國士蕭楊合易

江寧縣志按志國士字叔家性狷介喜讀易常疑易六十三卦位置天然

錯綜交互必有至理得蕭氏易說乃著一書附蕭氏後

王仕雲易解

江寧縣志按志仕雲字望如號過客順治進士授泉州司理奉裁改補烏程令遷守

潮州歷官皆有聲績士民思之生平嗜學公餘手一編不置著史諸異同及易解又有鑑略四字書最便初學

汪度四書講義

江寧縣志按志汪基號方潮籍徽州婺源為江寧諸生性孝友勤學博聞注釋

三禮採擇精當第度號南莊庠生制行為鄉里稱道倡造從安石梁咸稱義舉

葛廷偉左傳注疏

溧水縣志按志廷偉字書酉博通經史以明經選陞陽縣教諭不赴

馬際泰周易詳解

溧水縣志按志際泰名倉縣廩生

劉日珩四書詩經說約

江浦縣志

劉開槐易經纂要

高淳縣志按志開槐邑廩生所著又有四書辨疑

藝文

芮作舟尚書大全說約合參

高淳縣志按志作舟字若濟所著又有小學析衷

張自超春秋宗朱辨義十二卷

四庫書目

陳實穎周易輯解

高淳縣志按志實穎字叔玉增廣生工詩

陳大武讀易私解

高淳縣志按志廩生大武者穎季子也稟穎教敦孝友

周南四書解注

高淳縣志按志南字南吉邑庠生善事親

程廷祚程氏易通十四卷

四庫書目凡易學要論二卷周易正解十卷易學精義一

卷又附錄占法訂誤一卷易通其總名也

易說辨正四卷大易擇言三十卷

彖爻求是說六卷古文尚書冤冤詞晚書訂疑二卷尚

書通議二十卷通議補二卷青谿詩說二十卷禮說二

卷禮學識餘六卷禘祫辨誤二卷喪服瑣言一卷春秋

識小錄九卷

四庫書目凡春秋識官考略三卷春秋魯地名辨義三卷左傳人名辨義三卷

論說四卷

童均隸辨一卷

均字平子號絳巖上元人雍正壬子舉人由知縣陞武岡州知州罷官後無餘

貲以隸書易粟然非其嗜好不能得也

張行言聖門禮樂統二十四卷

四庫書目按書目行言字躬先江浦人

戴濬易隅二卷

葛祖亮禮經千古要義二卷服紀後編

戴祖啓尚書協異四卷尚書涉傳四卷春秋五測十二

卷

甯楷繫辭傳二卷左屑一卷

楷字端文號櫟山江寧人乾隆癸酉舉人甲戌會試

取明通楊官涇縣  
教諭性嗜學好善

嚴長明毛詩地理疏証五經算術補正三經荅問

方觀承五禮通考二百六十二卷

與金匱秦文恭公同纂壇廟祀

典三卷

劉敦字學辨譌

敦字艮吉監生捷之子所著又有杜詩注疏

陶湘春秋經傳集解補義

談樸升周易圖象通解

談泰禮記源流考二卷先聖生卒年月日辨二卷三十

六字母陰陽辨一卷古今音韻識餘二卷古今樂疑義

二卷絲竹考異與人歌譜三卷九宮辨二卷

周庚詩經摭餘四書萃餘義庚字肇基府學

薛璉詩經韻說四書管見璉上元

嚴遜四書口義六卷遜江寧人好學子世昌亦能承志

賀鳴諸四書正義二十卷鄉黨備考二卷春秋三傳集

解十卷

以上經類

晉王濤三國志序評三卷隋書經籍志

晉葛洪史記鈔十四卷新唐書藝文志漢書鈔三十卷隋書經籍志

後漢書鈔三十卷新唐書藝文志按晉書本傳鈔五經

列仙傳十卷隋書經籍志按晉書本傳神仙西京雜

記二卷

新唐書藝文志題晉葛洪舊唐書經籍志作一卷

關中記

玉海引中興書目曰關中

記一卷晉葛洪撰載長安山川及宮殿陵廟唐志云潘岳撰文選注引之

幕阜山記

直齋書錄解題

梁陶宏景帝王年歷五卷

舊唐書經籍志按梁書本傳作帝代年歷

養性傳

一卷草堂法師傳一卷周氏冥通記一卷

同古今州郡

玉海

陶季直京都記

按此記本傳及隋志皆不載然建康實錄等時引其書知唐時猶未佚也

隋諸葛頴北伐記七卷巡撫揚州記七卷

隋書經籍志

鑾駕

北巡記三卷幸江都道里記一卷洛陽古今記一卷

隋書

文學傳

唐許子儒史記注

舊唐書儒林傳按傳云未就

朱舜庸續建康志十卷

江南通志

元張璠闕里通載

江南通志

明陶元素史雋

上元縣志

倪謙朝鮮紀事一卷

四庫書目景泰元年謙奉使朝鮮頒詔紀行作

張瑄闕洛紀巡錄十七卷

明史藝文志南征錄四庫書目天順八年瑄爲

西右布政使軍征苗寇作

蔣主忠金陵紀勝

舊府志

蔣誼續宋論

江南通志

顧璘國寶新編一卷

四庫書目登衡小記舊府志

王敞王氏家乘

上元縣志

斤參工部志

藝文



徐霖遠遊記皖湘錄舊府志

陳沂南畿志六十四卷明史藝文志按此書沂與餘姚間人詮同撰翰林志

遊名山錄舊府志金陵古今圖考一卷金陵世紀四卷四庫

書目

司馬泰史流一品一百卷江南通志南都英華南都野記舊府

志明文獻錄一百卷四庫書目

沈越通鑑紀事前編江南通志諸史撮要宋史詳節三黨編

藩鎮傳舊府志嘉隆兩朝聞見紀十二卷四庫書目

盛時泰牛首山志二卷四庫書目遊吳雜記遊燕雜記江南通志

元牘記舊府志

王可立小程史建業風俗記

舊府志

謝少南嘉靖全州志六卷

四庫書目

焦竑遜國忠節錄八卷養正圖解二卷詞林歷官表三

卷

明史藝文志

京學志八卷

同上按江南通志以此書爲黃應登撰

國史經籍

志六卷熙朝名臣實錄二十七卷

四庫書目

國史獻徵錄一

百二十卷

同上按明史藝文志作三百六十卷

玉堂叢語八卷

同上

金陵舊

事六卷

墓誌

顧起元客座贅語一卷

明史藝文志

顧氏小史

舊府志

雪堂隨

筆

上元縣志

金陵古金石考一卷

四庫書目

周暉金陵瑣事八卷

江南通志

金陵舊事六卷

上元縣志按此書焦竑作

縣志

姚履素征黎始末一卷

江南通志

適楚紀勝

舊府志

黃應登獻徵錄列卿紀

江南通志按上元縣志應登字徵甫萬厯中以貢授教諭貢文

親養

黃居中文廟禮樂志

明史藝文志

論世錄

舊府志

張文峙南樞志一百七十卷

江南通志

黃琮楚征日錄嶺南日課

舊府志

張翊元明臣言行錄宋臨奠錄

舊府志

沈朝陽闕里書八卷

四庫書目朝陽江寧人天啓間貢生官池州府學教授

何開遠東晉人物略

舊府志

張烈明殷遺錄

江南通志

郭大有評史心見十二卷

四庫書目大有字用亭江寧人

孫近仁通鑑大全解

江南通志

孫國教棠邑枝乘江北定山志六合冶山志六合靈巖

山志燕都游覽志

江南通志

孔貞慎史綱私議

高淳縣志貞慎字用禮嘉靖間諸生品學高潔學問淵深著有詩經便覽

三書論目史綱私義春秋闡微等書卷帙多佚惟詩集與史綱猶存

國朝張怡謏聞隨筆四卷續筆四卷金陵私乘八卷攝山

志略六卷史學二十四卷武闡經史匯八卷

上元縣志

朱元英治河方略

方苞史記補注

余二間史則八編

江寧縣志二間字未也號補庵為文敏妙有史則八編南華奧旨二卷中

庸大旨一卷唐詩  
嘯二卷易原十卷

龔翰十五國人物志

江寧縣志翰字文思號郭園府諸生康熙壬戌以明經舉廷試授

學訓導手著十五國人物志  
內列金陵志二卷

王應憲廣萬姓統譜二十四卷南北水利蠡海錄十二

卷江防考三卷海防考六卷

江南通志

王芝藻史學提要

溧水縣志政典彙編八卷四庫書目是書

於六曹自周官始後世或因或革總不出其範圍因分曹排纂古事刪繁提要隨事付以論斷

孔尚熹經史大成

高淳縣志

陶敬益羅浮山志

四庫書目敬益江寧人  
康熙中官博羅縣知縣

程嗣章史學例義明史紀略

嚴長明三史荅問尊聞錄獻徵餘錄西清倚對

周渠關里小志

方觀承直隸河渠書一百二卷賑紀八卷義倉圖記

陳毅掘山志八卷金陵聞見錄六卷

談泰春秋戰國歲次考二卷談氏族考一卷

### 以上史類

晉葛洪抱樸子八卷

隋書經籍志抱樸子外篇三十卷  
梁有五十一卷舊唐書經籍志抱

樸子內篇二十卷按抱樸君書一卷周易雜占十卷今合內外篇止八卷遜

甲反覆圖一卷遯甲要用四卷遯甲祕要一卷狐剛子

萬金訣二卷肘後備急方八卷隋書經籍志肘後方六卷梁二卷新唐書藝文

志作肘後救卒方按今有肘後備急方八卷神仙服食藥方十卷以上隋書經籍志

老子道德經序訣二卷太清神仙服食經五卷又一卷

三元遯甲圖三卷遁甲囊中經一卷以上舊唐書經籍志抱樸子

養生論一卷太清玉碑子一卷葛洪與鄭惠遠問荅以上宋史藝文志枕

中書一卷四庫書目云偽托

梁陶宏景天儀說要一卷本草集注四卷太清本草集

要二卷舊唐書經籍志作太清諸草木方集要三卷補闕肘後百一方九卷

舊唐書經籍志作補肘後救卒備急方六卷服餌方三卷鍊化雜術一卷太

清諸丹集要四卷

舊唐書經籍志作太清諸丹要錄集四卷

合丹節度四卷

以上隋書經籍志

神仙藥食經一卷 神仙服食方十卷 神仙服

食藥方十卷 服玉法并禁忌一卷 太清玉石丹藥集要

三卷 効驗方十卷

宋史藝文志作握鏡圖一卷

真人水鏡十卷 眞誥

十卷 登眞隱訣二十五卷

宋史藝文志作三十五卷以上舊唐書經籍志

孝子

注四卷 集注神農本草一卷

疑卽隋志本草集注以上新唐書藝文志

易髓

三卷 陶隱居一卷 厯象一卷 括星詩一卷 握鑑方三卷

養性延命錄二卷 上中握中訣三卷 導引養生圖一卷

神仙玉芝瑞草圖二卷 古今刀劍錄一卷

以上宋史藝文志

鬼

谷子注

王應麟漢書藝文志考証

星經五卷 行運氣五卷

江南通志

眞靈



位業圖一卷

四庫書目云偽托

隋諸葛穎元門寶海一百二十卷淮南王食經一百三

十卷晉十三卷食目十卷

新唐書藝文志

馬名錄二卷

隋書文學傳

唐許淹文選音十卷

舊唐書曹憲傳

王昌齡詩格一卷

江南通志

宋王搢之傷寒活人書

江南通志

明陶元素華山雜著

江南通志

倪謙遼海編

江南通志

蔣主忠詩法鈞元

江南通志

童軒夢徵錄

江南通志

籌邊錄海岳涓埃

舊府志

金潤淵學探微十二卷

江南通志

蔣誼懋翁新錄紀行錄經緯文衡吹呖餘音

江南通志

張志淳南園漫錄十卷

明史藝文志按列卿紀張志淳字進之江寧人成化甲辰進士

正德中爲南京戶部侍郎致仕著書自娛尤究意詩文書畫咸造名家

梅純損齋備忘錄

江南通志

顧璘顧氏七記

舊府志

近言一卷

四庫書目

羅鳳漫錄十卷

明史藝文志

延休堂漫錄三十六卷

四庫書目

王鑾原治二篇

金陵瑣事西冶王公鑾中正德辛未進士觀政吏部太宰遂庵楊公令觀政者

各以所業進欲觀其才也西冶作原治二篇切中時弊遂庵大奇之卽補文選主事

徐霖讀書史會要

江南通志

謝承舉廣陵日錄湘中漫錄采毫錄日得錄

江南通志

陳沂維楨錄一卷附錄一卷

四庫書目

誨似錄畜德錄存疾

錄詢芻錄語怪錄善謔錄

江南通志

司馬泰廣說郭八十卷古今彙說六十卷

明史藝文志

知次

錄蔭白堂雜識視履百錄續百川學海八十卷再續八

十卷三續三十卷

江南通志按通志百川學海泰與梅純姚咨撰明史藝文志云梅純續一

百卷

沈越韓峯隨筆澶淵雜著間見錄西巡紀行皖湘錄遠

遊記

江南通志

陳鳳欣慕編宛地梓

江南通志

盧壁漳浦備忘錄東籬品彙錄雨山墨談客窗閒話

江南

通志

陳芹忠孝說義

江南通志

黃甲獨鑑錄

上元縣志黃甲字首鄉於書無所不讀以文章自負舉嘉靖庚戌進士任吏部郎所

著編年稿獨鑑錄皆祕不示人生四子有雋才祖孺有諫鳳藝覺集戊儒有競辰齋集方儒有陌方軒山集復

儒有振秀閣集

殷邁懲忿編室慾編逍遙訣測言停雲館野語山窗漫

錄

江南通志

李登願學編寶唐語錄

江南通志

王可大國獻家猷五十六卷

四庫書目凡分十四部曰憲典曰象緯曰職祥曰典

藝文

圖曰事理曰文史曰醫藥曰滑稽曰方技曰詭異曰  
惟街曰雅適曰遺事曰大統皆雜採故事依類排纂

吳自新大受錄

江南通志

焦竑老子翼二卷老子考異一卷莊子翼八卷南華經

餘事雜錄二卷拾遺一卷類林八卷筆乘二十卷編次

楊慎升庵外集一百卷

明史藝文志

陰符經解支談三卷焦

弱侯問荅一卷

四庫書目

顧起元說略三十卷

四庫書目按明史藝文志作六十卷起元自序實止三十卷

朱之蕃南還雜著

舊府志

姚履旋湖海遊記

江南通志按續金陵瑣事游記作紀游

金央紀愚書

江寧縣志按路鴻休人文略央號東園進士任延平知府著有紀愚書數十卷

呂從律讀書記八卷

字和聲江寧人雍正丙午科舉人  
記五目日識大識小訂誤賢己編

餘閒

漫錄

黃應登謝山暇錄偶然語

江南通志

黃居中論世錄

江南通志

倪篤之青原語錄棲霞語錄

江南通志

焦周說楮七卷

四庫書目周字茂孝  
竝子萬歷庚子舉人

黃琮宗說續課

江南通志

董宣青田語錄

江南通志

丁雄飛書饒漫筆五十卷燧人遺意需郊欵日錄蓉灣

雜著

江南通志

黃乘石偶得紺珠一卷

四庫書目明江寧黃乘石撰乘石字復子萬厯中以薦爲推官

官至嚴州府同知

姚福青谿暇筆三卷

四庫書目明江寧姚福撰福字世昌自號守素道人

楊掄伯牙心法一卷

四庫書目明江寧楊掄撰掄字桐庵又號鶴淑萬厯以後人

張三錫醫學要錄十九卷

四庫書目明應天張三錫撰錫字叔承

弓元午夢錄

江南通志

丁毅醫方集宜蘭閣祕方

江南通志

章慈學基學統

江南通志

孫拱辰實政紀要

江南通志

孫國牧讀書通藏書通臨池通石飢通墨兵通刀圭通

解連環畫圖題跋考集句新偶分韻通考

江南通志

孫宗岱射義府六卷客花館雜說

江南通志按通志以射義府為宗岱作客

花館雜說為孫沂如作據六合縣志則沂如宗岱實即一人也

釋憨清觀老莊影響論一卷

四庫書目

國朝張怡蠡約四十八卷養生主十六卷志林二卷蠡天

避暑日鈔八卷上律編四卷西窗夜雨錄四卷薇庵讀

詩鈔二卷

上元縣志

張正綱離騷注

上元縣志

方文杜詩舉隅

上元縣志

先著墨笥

江南通志上元縣志著字渭求號遷甫有之谿老生集八卷勸影堂詞三卷



方苞刪定管子荀子

劉思敬徹賸八編

江寧縣志

牛建章太極圖說通書廣義

上元縣志

王應憲傳習錄辨八卷

江南通志

李鄴墨池編二卷碎金錄一卷金陵明人字學紀一卷

莊臻鳳琴學心聲一卷

四庫書目 莊臻鳳撰鳳字蜨庵 國朝江寧

俞顯祖心學錄

句容縣志 顯祖字挹林 蜀通二氏學

宣頴南華經解

句容縣志 頴字懋功 康熙甲午選貢

宣芸周程張朱四子集解

句容縣志

王弼秉燭記

句容縣志

汪沂致曲齋困勉錄

句容縣志沂字紹曾縣諸生

程嗣章明儒講學考

甯楷懷德紀一卷聞見紀略愜心堂閒話喻義堂醫說  
菊圃偶談

樊明徵金石鉤華

戴祖啓道德經解一卷

嚴長明淮南天文太陰解文選課讀文選聲類知白齋  
金石類纂金石文字跋尾石經考異漢金石例五岳貞  
珉考五陵金石考平原石蹟表素靈發伏墨緣小錄南  
宋文鑑奇觚類聚養生家言

談泰多聞闕疑六卷偶讀漫記四卷歲次月建異同辨一卷明算津梁四卷推步稿三卷天元釋例四卷平方立方表六卷北斗考三卷古今占筮雜錄四卷遞甲日表一卷奇門疑義二卷錦囊四卷異塗進身考六卷外傳傳心錄二卷

吳思忠書畫傳

戴天章咳嗽論註瘡論註廣瘟疫論

黃之紀抑末錄二卷古詩刊誤四卷

之紀字星巖上元人

賀鳴諧離騷直解二卷

胡陳氏婦庸言二卷女誠十篇六箴一卷

以上子類

晉王濤集五卷

隋書經籍志

宋顏延之集二十五卷

隋書經籍志按志注云梁三十卷今顏光祿集乃是文選文苑英

華等書內鈔撮成之不及半矣

逸集一卷

隋書經籍志注

顏峻集十三卷婦人詩集二卷詩集一百卷詩例錄二

卷

舊唐書經籍志

梁陶宏景隱居先生集三十卷內集十五卷

隋書經籍志

陳顏晃集二十卷

陳書文學傳

隋諸葛穎集二十卷

隋書文學傳按舊唐書經籍志作十四卷

唐庾抱集六卷

舊唐書經籍志

王昌齡集五卷

新唐書藝文志

項斯詩一卷

新唐書藝文志

來擇秣陵子集一卷

新唐書藝文志注云來擇字無擇寶應賢良科按孫樵與王霖秀才

書自言得文格於來無擇無擇得之皇甫持正持正得之韓退之寶應乃代宗年號其人不應與孫樵相及不知史誤耶抑二人姓字相同耶至來擇為秣陵人尤無可考姑因舊省志存之

宋洪湛集十卷齠年集十卷

宋史文苑傳

白璞天籟集

江南通志

元張壘導江文集

江南通志

楊剛中霜月集

元史儒學傳

朱南強駢醖稿

江南通志

明史謹詩一卷

續金陵瑣事

陳登西掖稿

句容縣志登字從善元末隱於句曲山中夏游自樂明初參贊元戎幕與孫炎夏煜

名齊

張益文僖公集

續金陵瑣事

陶元素萬竹山房稿松雲集

江南通志

倪謙玉堂南宮上谷歸田四稿共一百七十卷

明史藝文志

賀確友菊詩集

江南通志

金潤靜虛稿南山十秀集

江南通志

張瑄奏議一卷觀庵集十五卷

明史藝文志

香泉稿六卷粉

署餘閒稿凝清集

江南通志

金紳雪心稿青瑣獻納稿江西巡視稿

江南通志

童軒枕肱集二十卷

明史藝文志

諭蜀稿清風亭稿醢甕集

江南通志

蔣主忠慎齋稿續貂小稿

江南通志按明史藝文志劉溥草窗集下注云溥與蔣主

忠玉貞慶晏鐸蘇平蘇正湯允勤王淮沈愚鄭亮等稱景泰十才子當時各有專稿

蔣主孝務本齋詩樵林摘稿

江南通志

湯允勤東谷集十卷

明史藝文志

盧雍關中集

江南通志

沈鍾休翁詩集思古齋文集

江南通志

李旻容庵集

江南通志

倪岳青谿漫稿二十四卷

明史藝文志

任彥常克齋稿

江南通志

莊昶定山集

江南通志按明史昶本傳云昶生平不著述有自得輒見之於詩

梅純損齋稿

江南通志

張志淳南園集

江南通志

王暉克齋集

舊府志

王宏巴山集

舊府志

陳鎬矩庵漫稿

江南通志

姚黼克齋稿

江寧縣志按金陵人物志黼字大用成化舉人官知府勤學好問工詩古文辭

金澤容庵集

江南通志



顧璘息園存稿九卷

明史藝文志作文稿江南通志詩作息園集按今行者名存稿

十四卷

明史藝文志按明詩綜璘有息園浮湘憑几歸田諸集又金陵瑣事作東園全集

劉麟劉清惠集十二卷

江南通志按明詩綜云麟有南坦老人集

王韋南原集

江南通志

李熙飲虹稿尚友集明農稿

江南通志

梁村梁端肅奏議

江南通志

王鑾西台遺稿

江南通志

金琮史忠江南二隱稿

江南通志按明詩綜注此集盛仲交所編

金丹赤侯稿

江南通志

金鑾徙倚軒稿

江南通志按明詩綜鸞字在衡隴西人僑居南京又靜居齋詩話曰門詩家有

金琮元王金丹赤侯金大車子有金大輿子坤金銀竹谿均著詩集諸金之中居必以在衡爲巨擘焉

金大車子有集二卷

明史藝文志按明詩綜大車字大

賜姓居南京中嘉靖乙酉鄉試有方山遺稿

金大輿子坤集二卷

明史藝文志按路鴻休人文略大輿字子坤東園仲子曠達豪邁不

問家產以弋釣自放卒後郭次甫日子坤極有義氣交遊中乃無好事者梓行之余好事而無力壘中僅有一漢鼎若售去可成此舉適吳人四十金買其鼎次甫遂刻其集

金銀竹谿集

金陵瑣事錄字子宣有竹谿詩集

陳鐸秋碧樂府梨花寄傲公餘漫興香雪亭稿

上元縣志按明

詩綜鐸字大聲下邳人睢寧伯文之曾孫世襲指揮家南京

徐霖端居詠北行稿古杭清遊稿麗藻堂文集

江南通志

王以旂石岡集四卷

江南通志

顧瓌寒松齋稿四卷

明史藝文志

謝承舉詩集十五卷

明史藝文志

陳沂文集十二卷詩十五卷

明史藝文志

遂初齋集拘墟館

集

續金陵瑣事

管景西浦稿

江南通志

司馬泰懷洛園集

江南通志

沈越麓邨詩稿新亭漫稿

江南通志

陳芹鳳全堂稿子野集

江南通志

許穀石城五稿

二臺外臺武林省中歸田江南通志

陳鳳清華稿六卷江南通志按明詩綜鳳字羽白號玉泉上元人嘉靖乙未進士累官陝西

參議有清華堂擇存

顧源玉露堂稿江南通志

黃甲鳳巖山房全集江南通志

陳時伸百篇稿南華長語一集路鴻休人文略時伸號雨峯嘉靖舉人由教授

歷官同知

胡汝嘉禱園集沁南稿金陵人物志汝嘉字秋字嘉靖進士累官翰林院編修以言事

忤執政調副使

陳文忠詩文彙稿上元縣志文忠字少泉補博士弟子員居親喪飲血三年蒙垢亂髮同社

友咸師事焉晚年以詩酒自娛

張鐸秋渠詩

江南通志

盛時泰大城山全集二十八卷軒居集

江南通志

陳玲梅花集

上元縣志陳新字振之與其弟羹食廩餼子玲字玉玲遊郡庠

謝少南河垣稿

明詩綜

李登冷城眞窩稿

江南通志

卜鏜三華館集

路鴻休人文略鏜字子振隆慶四年鄉薦長於詩著有華館集自號虹泉子

朱潤身海峯遺稿

江南通志

韓邦憲韓衢別集

舊府志

韓仲孝非齋集

高淳縣志仲孝邦憲子

何汝健竹素園稿

江南通志

張如蘭功狗集

明詩綜如蘭字德馨南京羽林衛人世襲指揮官至淮徐漕運參將以子可大

貴賜特進榮祿大夫右都督

王可大白雲稿三山彙編

江南通志

姚汝循耕餘集浪遊集

江南通志按明詩綜汝循字敘卿上元人嘉靖丙辰進士除杞

縣知縣遷南京刑部郎中出知大明府謫嘉州知州

余幼麟幼峯學士集

明詩綜孟麟字伯祥江寧人萬厯甲戌賜進士第二厯官南京國子

酒監祭

吳文企菰蒲集

明詩綜文企字季騭號白雪南京旗手衛籍景陵人萬厯戊戌進士除戶部主

事厯郎中出知寧波湖州二府終陝西按察副使

鄭宣化三華館集灌月亭漫稿

同瞻紫堂漫稿江南通志

李逢暘楊希淳李楊二子遺稿

江南通志

焦竑澹園集四十九卷續三十五卷

明史藝文志

朱之蕃奉使朝鮮集南還雜著落花詩

續金陵瑣事

顧起元文集三十卷詩二十卷

明史藝文志

寒松齋稿歸鴻

稿武陵稿

續金陵瑣事

葛如龍竹護齋稿

江南通志按上元縣志如龍字雲蒸與少宰顧文莊同里居性孤貞綺歲

談經屬其流輩文莊嘗爲之序其詩集行世按金陵瑣事作雲蒸集云如龍號元湖

何湛之疏園稿歸田稿

金陵人物志湛之字公露萬歷進士授主事歷參政乞歸優游

林下才鋒雋雅喜談道釋書法適美

何淳之足園稿

金陵人物志淳之字仲雅由進士司李中州一時臺省監司咸倚辨焉召授御

史移疾歸文雅風華詩畫兼  
美博聞強記尤為流輩所推

何棟如攝園稿出山疏牘江南通志

陳舜仁樗亭集江南通志

姚履素市隱園詩文集江南通志

張可大白下初集二集江南通志

黃應登謝山文草詩草江南通志

黃居中千頃齋初集次集三集江南通志

倪篤之計樞草銓諫草棘遯草江南通志

張文峙編年稿落葉哀蟬吟擊磬集江南通志

黃琮求志稿行義稿謫湘稿青田稿郊城稿東歸稿江南



通志

張榜肺山稿

江南通志

孔貞時詒書堂類稿

江南通志

孔貞運敬事草行餘草

江南通志

艾容微塵閣集

江南通志按上元縣志容字子魏崇正某科副榜雄文章盛議論亦時時出門

交士壬申客登州胡總戎幕策其必敗夜潰圍衣鐵甲渡水行數十里遲明城陷生平締交有聲其最著者譚

友息艾

於子

傅汝舟步天集七幅庵稿

江南通志按上元縣志汝舟字遠度汝霖三雨之弟也生

平陵氣自命河西之役守將羅一桂監軍高廷佐死事汝舟聞為泣哭於青谿黃侍中祠詩豪放雄肆標格岸

然在塵區之外以太學終

陳丹衷蔗渣稿

上元縣志丹衷字旻昭崇正癸未進士少事母以孝聞中進士後請纓自效有

志不遂著魂遠遊賦以自傷為秋柏詩二百餘章晚年一意禪悅一飯一豆終其身

王潢南陔集

明詩綜

吳聲孺耽休草

江寧縣志聲孺佚其名郡庠生年十七而以詩名二十七而死友人黃叔遜為

梓其稿曰耽休草顧文莊為之序

李佺竹浪齋稿

江寧縣志李佺字象先京庠生善詩著有竹浪齋稿顧文莊云象先雅意標舉

所著詩集余嘗為之序頗極推挽而君心似不肯予言知其志大宇宙也

孫謀長嘯集

江寧縣志謀字燕貽稱詩南國多四方之游所著長嘯集中文莊公許之推許甚至

李言恭貝業齋稿青蓮閣稿遊燕稿

金陵人物志言恭字惟寅臨淮侯世

襲能

詩

羅燾淵泉集四卷

金陵人物志燾字元溥光澤主簿與邢雉山許石城結社有淵泉集四卷

玉泉陳鳳落花唱和詩序云吾鄉羅淵泉氏自髫年即好聲律偶得石田翁落花詩憑几酬和得二十首王岑

王子懷荃楊子江東文士也亦屬和焉

沈朝陽金庭稿

上元縣志

胡宗仁知載齋稿

列朝詩集知載上元人

朱榛獻國集

江南通志以下十人皆應天人

朱志潔默庵集

江南通志

朱成泳賓竹小鳴集

江南通志

朱讓栩長春競辰集

江南通志

朱銓鉢凝齋集

江南通志

朱允栻保和齋稿江南通志

朱允梗集書樓稿江南通志

朱恬蛟綠筠軒稿江南通志

朱恬龍集江南通志

朱埕坦清苑山房集江南通志

朱厚煜居敬堂集江南通志

朱厚華句齋文集江南通志

胡禮月灘詩集句容縣志禮字公

胡璇雲麓稿句容縣志璇字舜大坊郭人

張珂忍齋稿句容縣志珂字孟聲坊

新修江寧府志  
卷之五十五  
藝文

胡樽侗齋集

句容縣志樽坊郭人資慧絕人性就山水

季維兩都詩珠泉集

六合縣志惟字光濟東里人正德十四年由貢生授湖廣襄陽縣訓

導陞光化教諭爲人狷介論者謂其一錢不取於門生素行無愧於屋漏

章瑚詩文稿

六合縣志瑚字汝器廣洋衛人由貢生授山東嶧縣訓導卒於官瑚有高志俯視塵

俗不爲  
詭隨

魏吉聽松居湖于集

高淳縣志吉字吉人縣廩生嘉議大夫成忠之長子端方自持卽父

執年誼絕不以姓字通

胡蛟之偶然吟

高淳縣志蛟之字功度縣廩生性孝友年八十卒同人私謚曰貞靜子彭增生

著東園草孫振祖康熙戊午科舉人著竹谿集

邢昉石臼集

明詩綜

黃周星芻狗齋集

林古度挂劍集

倪文毅夫人集

江南通志  
以下婦女

馬間卿芷居集一卷

明史藝  
文志

周潔雲巢集

江南通志

姚淑鍾山秀才海棠居集

胡詩綜淑字仲淑江寧人庶  
吉士達州李長祥納爲繼室

守仁夢觀集六卷

明史藝文志  
以下僧道

元靜樸園集

江南通志

大同天柱稿

江南通志

梵琦北遊稿鳳山稿西齋稿

江南通志

宗泐全室外集十卷西游集一卷

明史藝文志

溥洽兩軒外集八卷

明史藝文志南州集

通志

覺澄雨花集

通志

慶文香林集

通志

慈露雲隱集

通志

唯識唯庵集

通志

清遠渭師外集

通志

宏恩雪浪集

通志

寬悅堯山草

通志

欽義焚餘草

通志

德清夢遊集

江南通志

如愚飲河稿石頭庵稿

江南通志

來復蒲室集

江南通志

國朝張怡濯足庵文集十二卷詩集十五卷

明詩綜作古鏡庵詩內外

集詩餘六卷外集四卷張氏一家言四卷王光劍氣集

三十四卷雲乳銷夏集三十八卷周流天壤集十二卷

上元

縣志

顧夢游詩集

上元縣志夢游字與治以諸生例得鄉貢不仕著詩文自娛尤好表揚文士詩清真

絕俗別成一家既死宛陵施愚山收拾付梓其友方爾止點定行世

方文僉山詩文集

上元縣志



杜濬變雅堂文集

上元縣志

朱圻夏雲堂集天放居集

江南通志

紀映鍾真冷堂集

朱元英春雨堂詩文全集

方苞望谿文鈔望谿文鈔續刻

劉輝祖藕浦詩古文集四十卷

上元縣志

劉捷古堂詩鈔

上元縣志

吳琅百尺樓甕天居文集

上元縣志琅字寶樹號夢園邑庠生負才名嘗以賣文錢

給親故薪水

吳調元同歸集

上元縣志調元字雨蒼順治丙戌舉人累官福建漳州知府著善政晚年舉鄉

飲大賓

孫瞰學易集

上元縣志瞰字于山熙熙甲午舉人晚年研窮性命之旨著有學易等集

朱豫拙真堂集

上元縣志豫字介士真生著拙真堂集劉西澗詩乘多采入之

楊大灝詩古文集

上元縣志大灝字翥穿性至孝幼丁母艱哀痛仆地扶而復甦者再成進

士設義學鄉里子弟多自興行

于徵肺葉庵稿孤山遊草

江寧縣志于徵字有生磊落簡傲不因人可否順治初家

居茹素

余懷味外軒稿

江寧縣志懷字澹心福建莆田人布衣讀書交多賢豪隱吳門

余賓碩金陵覽古

江寧縣志賓碩字鴻客以詩名所著金陵覽古一冊俱七律先刊行

徐時盛燕臺倡和

江寧縣志時盛字泰初來安籍選貢著筵步集先之谿劉大山諸公咸服

其文有燕  
臺唱和詩

黃虞稷我富軒詩

江寧縣志

汪霽枚繡谷集宙合軒稿

江寧縣志霽枚字陶庵庠生既居雨花山梅岡鍵戶寡交

傳綜典籍工詞賦畫宗張大風

孫炎蘭江倡和集

江寧縣志炎字映宸號雷谿

田林詩未集

江寧縣志林字志山工篆籀

馬幾先敦好堂詩集

江寧縣志幾先號秋田篤內行人無間言工詩歌王昊廬宗伯王阮

亭司寇交重之雍正舉孝廉方正辭不就著有敦好堂詩集

王自新萬卷山房詩集

句容縣志

笱重光詩文集二十卷

句容縣志重光又有書法畫荃二卷文法一卷

張芳燕臺聯句宜江倡和詩四集

句容縣志芳字菊人康熙壬辰進士授宜

江知縣

朱宗光見奎集

句容縣志宗光邑諸生早歲能文

夏疇北邙集

句容縣志疇字君範好學能詞賦尤善儷體顏其亭曰曼玉

王錫襟亦可堂集

高淳縣志錫襟字可函為諸生所遭不遂因謝去寄情詩歌

李茂英居間草木鐸餘音五湖五種曲

高淳縣志

汪滙西來子集

高淳縣志滙字湖生性真率不事彫飾著有西來子集草草吟始悔師放諸草

胡揚祖花岡吟

高淳縣志揚祖字旂仲孝友工詩文所著又有望越吟

夏維湖上集

高淳縣志維字四只邑庠生工詩所著又有北窗瑣言

劉季郭宿亭古文

高淳縣志季字班生幼穎異有神童之號所著又有越中草楚中草燕中

草

谷起鳳黃山唱和

高淳縣志起鳳字雲章與宣城梅文鼎爲同志友又宣城倡和諸作

張琬燕遊草

高淳縣志琬字文昂號琢庵性仁孝父三鳳病臭疏泣禱於神願減算以資中順天

甲午鄉試舉人第一

邢孟麟雲籬集

高淳縣志孟麟字玉書以歲貢任英山訓導

楊士品胥灣草

高淳縣志士品字錄人晚肆力於詩歌

蔡望香草堂詩四集

江南通志望字鉉升號甘泉康熙丙子經魁庚辰進士授甌寧知縣

有蔡佛子之稱

梁增豔山堂文集

江南通志

楊士元組霞亭文集

江南通志

徐必遠敦善堂詩集

江南通志

張惣先徐時盛夕字倡和詩

江南通志

嚴元樗儼詩稿

江南通志

劉巖大山詩集

江南通志

拙修齋詩文稿

江浦縣志

徐時盛劉巖燕臺倡和

江南通志

李鄴鷗天閣文集

戴瀚文集編年詩乘

葛祖亮兩閣古文花妥樓詩集

戴祖啓師華山房文集六卷

甯楷修潔堂集

嚴長明歸求草堂詩文集西清備八表停雲錄

方觀承述本堂詩集八卷又續集五卷

周渠幔亭詩鈔

陳毅詩概六卷

朱本福管窺樓詩鈔謙堂遊草

侯學詩梅花草堂詩十六卷

陶湘文集

談泰桐音館雜文四卷桐音館小東二卷桂林書屋詩

話四卷錦囊四卷

方裕曾芝稼軒集

王友亮雙佩齋文集四卷詩集八卷駢體文三卷

嚴遜述懷詩六卷

衡軒詩鈔四卷

上元柏銓著子樹亦工詩

嚴天祐嘉樹堂詩鈔七卷

天祐震澤諸生改籍上元孫桐諸生亦能詩著有金陵覽

古雜詠

王金英菊莊詩稿

金英上元人乾隆壬午舉人工詩性恬淡不妄與人交卒後家甚貧

賀鳴諧練峯文集六卷

黃之紀編錄堂詩文集十二卷

胡陳氏合簫樓稿

以上集類



新修江寧府志卷之五十五

藝文中

晉周處風土記三卷

見隋書藝文志今佚按此書昔人

山之見水經注河水下記洞庭地脈之見編珠卷一皆概言吳越風土應詳及丹陽郡地非專志陽羨之作故

首列焉

應詹江南故事三卷

見唐書藝文志今佚

宋山謙之丹陽記

徐堅初學記引今佚按謙之宋文帝時奉朝請亡於孝武建武間見沈約

宋書

自序

齊劉澄之揚州記

世說注及初學記引今佚文選注內引十州記即此書而雕本訛州為洲

梁元帝丹陽尹傳十卷

見隋書志今佚

草堂傳

見文選北山移文注今佚

任昉荆揚二州遷代記四卷

見唐書志今佚

樊文深秣陵記二卷分吳會丹陽三郡記二卷

見唐書志今佚

陶季直京都記

文選注及建康實錄引今佚

吳操蔣子文傳一卷

目載宋史志其傳見太平廣記今存

陳姚察建康二鍾記一卷

見陳書姚察傳今佚

隋諸葛穎巡撫揚州記七卷

見隋書志今佚

無名氏江乘記

景定建康志引今佚

唐許嵩建康實錄二十卷

今存按許嵩爵里未詳書作於至德中去六朝尚近而引

據亦頗詳此方地志之最著者也

六朝宮苑記

見宋史志今佚

王豹金陵樞要一卷

見宋史志今佚

無名氏金陵六朝記一卷

見宋史志今佚

無名氏金陵圖

目見舊志書佚

無名氏建康記

目見舊志書佚

無名氏江寧圖經

目見舊志書佚

呂先生太極左仙宮葛君內傳一卷

見唐書志今佚

釋清徹金陵塔寺記三十卷

見唐書志今佚

釋靈湍攝山棲霞寺記一卷

見唐書志今佚

宋徐鉉湯悅江南錄二十卷

見宋史志今佚

鄭文寶江表志三卷

見宋史志今存

江南近事錄一卷

目見舊志書佚

陳彭年江南別錄一卷

今存

龍衮江南野史二十卷

今存按徐鉉以下五書皆係南唐舊臣所作傳聞不一故所記

互有異同如江南野史中孫晟林文肇諸傳與五代史異江表志中載讓皇所作江南江北舊家鄉一詩與馬

令南唐書異此類甚廣大約江南別錄所記尚為可信故資治通鑑採取其說尤多

無名氏江南餘載二卷

今存

無名氏建康宮閣簿

日見舊志書佚

沈立金陵記

按立歷陽人所著有宣和編類河防書一百九十卷都水記二百卷名山記一百卷

皆見宋志蓋深於地理之學者也此書目則不見宋志及諸書惟舊志載之書佚

張叅江左記三卷

見宋史志今佚

錢惟演金陵遺事三卷

見宋史志今佚

張敦頤六朝事跡編類二卷

今存按此書即宋志張養正六朝事跡但書無十四

卷名目  
亦異

吳彥夔六朝事跡別集十四卷

見宋史志今佚

葉夢得上元古跡

目見舊志今佚

建康集八卷

今存按陳振孫直齋書錄解題

載夢得建康集十卷乃紹興八年再鎮建康時作今佚二卷

黃元之金陵地記六卷

按此書崇文總目卷二地理類作黃元之著國史經籍志亦同

而宋志獨作元廣之字必有誤茲從總目書佚

史正志乾道建康志

見宋史志今佚

吳琚慶元建康志

目見舊志今佚按輿地碑目誤作朱具瑀蓋傳寫之訛卽此書也

劉昌詩嘉定六合縣志

目見六合縣新志序今佚

周應合景定建康志五十卷

今存

朱舜庸建康續志十卷目見江南通志書佚

陳倩茅山記一卷見宋史志今佚

無名氏南朝宮苑記見宋史志今佚

無名氏金陵叛盟記見宋史志今佚

曾洵句曲山記七卷見宋史志今佚

無名氏茅山新記一卷見宋史志今佚

元劉大彬茅山志十五卷今存按明志本作劉大賓今據四庫書目改正大彬錢

唐八進帖中襲封茅山四十五代宗師洞觀微妙元應真人蓋茅山道士也

張鉉至大金陵新志十五卷今存

戚光集慶路續志按光卽集慶人元天曆二年南臺御史趙世延命光輯爲此書目見上元

倪燦所著補元史藝文志今佚

張雨茅山志十五卷

按雨字伯雨吳郡人道名嗣真別號真居通志載此目誤作天雨今

依四庫書總目校正書今存

明張文峙南樞志一百七十卷

王一化萬厯應天府志三十三卷

按一化為郡教授輯是書郡守程嗣功董

成之

白思齊上元縣志

程三省上元縣志

王僖宏治句容縣志

丁賓萬厯句容縣志

杜槃句容縣志

周仕句容縣志

吳仕詮溧水縣志

沈孟化江浦縣志

余樞江浦縣志

李維城重修江浦縣志

唐詔成化六合縣志

杜幹正德六合縣志

董邦政嘉靖六合志

李燾萬曆六合縣志



張啓宗萬厯六合縣志

頓銳正德高淳縣志

劉啓東嘉靖高淳縣志

項維聰萬厯高淳縣志

陳鎬金陵人物志六卷

陳沂南畿志六十四卷金陵古今圖考二卷金陵世紀

四卷南都英華南都野記

周暉金陵瑣事八卷畱都錄五卷

焦竑金陵舊事

王可立建業風俗記

無名氏洪武京都志一卷

蔣主忠金陵紀勝

趙永南京錄

盛時泰牛首山志二卷

顧起元金陵古金石考客坐贅語

孫國敕棠邑枝乘江北定山志六合台山志六合靈巖  
山志

葛寅亮金陵梵刹志五十二卷

國朝趙宏恩江南通志二百卷

陳開虞江寧府志三十卷

藍應襲上元縣志

袁枚江寧縣新志

葛翊宸句容縣志

曹襲先重修句容縣志

閔派魯溧水縣志

凌世御溧水縣志

卽廷泰江浦縣志

項維正江浦縣志

劉慶運六合縣志

洪瑋六合縣志

蘇作睿六合縣志

何廷鳳六合縣志

紀聖訓高淳縣志

李斯佐高淳縣志

朱紹文高淳縣志

張怡金陵私乘八卷攝山志略六卷

龔翰金陵人物志二卷

陳毅攝山志八卷金陵間見錄六卷

吳雲靈谷寺志十六卷

釋德基寶華山志十卷

余懷板橋雜記

劉樹聲聞見雜著

劉旂錫白下餘讀

孫金相金陵節孝備考

新修江寧府志卷之五十六

藝文下

開對江河記

萬曆二十二年

明焦竑

晉史遷作河渠書蓋與禮樂平準並籍夫禮樂制作平準財用兩者經國要務以河渠而得與程功則胡以相提論也夏后氏由疏濬底平成六府三事賴以允治禮樂之教嗣此而興夫非績用之最著者耶下此則西門豹鄭國之流引漳鑿涇史不絕書以是知水利之溥有天下者利天下有國者利一國有一邑者利一邑惟所擇受專意行之耳夏后世勿論魏任豹秦任國上不牽

制下不攣故得容展布而竟其功今之任事者拘則難  
矣下之人區畫以上而上或報罷上之人誠期以令而  
下或稽延前之人志在首功而未必終事後之人慮非  
經始而莫肯落成財力日殫怨咨日集蓋如斯乎任事  
之不易也乃有上下相成前後共濟惠不費勞不怨行  
之一時而可爲百世利余何幸於父母之邦見之江浦  
隸京兆居江之北諸縉紳士庶往來涉江者率取道焉  
縣治故有河道達江潁江淮濟川兩衛置數十樓船以  
待無論行者便之四方商賈百貨湊集於民用亦甚利  
也歲久河漸涇樓船移置北岸渡者更道浦子口水陸

迂迴幾數十里風濤叵測行者病之津吏候人奔走爲  
疲商舶不通民用告匱大中丞朱公行部至慨然太息  
謂縣當孔道賓車使節日出境上河之不通令其迂迴  
道里且使石尤馮夷時出以爲患至於商賈貨阻騰物  
價以匱閭閻便人之謂何矧河之故道可尋縣其議濬  
邑侯倪君故嘗晰其事念此不置因曲具河道通塞狀  
條畫利害以上辦甚大中丞愈銳然行之乃會京兆張  
公沈公直指王公各議鏹所自出得二千八百餘金又  
兩衛卒取道尤便大司馬周公令江淮出鏹千以助役  
役旣畢侯政暇輒出河上躬立畚鍤間部署程督不遺



餘力甫月餘功就什五適太宰課羣吏侯奏計上都門則以其事屬之司理趙君君始爲攝符至旋以河工任重解縣務而專理河會天雨雪役得錕謀遁去君百計撫集渙散相地勢便宜立程限襍被河上躬自率勸歷月餘而功告成事計河延袤十有六里廣十丈有咫深四之一甲午冬十月舉工乙未春三月工輟司理君戾念河故深廣徒以水止沙沈漸至湮塞職上流不通之繇烈山峙江中流水衝北岸迅急如矢濬王家套借急水以刷泥沙它日可以無塞京兆張公當君請大中丞趙議公出積帑千餘緡授君舉事君部署程督如昔功

再告成計延袤六十里倍昔之三廣深所在不齊因地  
勢也卽今河引江流行者率取直道不病迂迴乘樓船  
如輦風濤勿犯四方賈人載百貨以至柔旅通商阜民  
足用其利不可勝原而三善則較著已是役也首舉則  
邑侯爲政司理君成之而主其議者朱公再舉則司理  
君爲政邑侯成之而主其議者張公若周公趙公王公  
沈公悉相與慫恿夾持非一手一足之烈也斯上下相  
成前後共濟者非耶至於軍民相誠以率禁不勞而自  
勸非佚道之使宜不及此率是道也於天下國家何有  
余上世家江浦坵壠具在幸河之利賴茲邑也因爲記

所由始與所由成以告來世俾睹河水而思當事者功則諸公之惠誠不朽乎哉

江防護二十則

明董邦政

應天府六合縣知縣董邦政呈爲陳一得以靖江洋事切照江賊跳梁出沒無忌矧江海接通閩浙倭寇易于結連將來之勢漸不可長誠國家之深慮也今巨盜殺人於江閩不畏死巡捕者事彌縫之巧司土者無金戈之戒視爲泛常因循不振本職備員江縣目擊羣兇思欲盡掃但沿江上下地方廣濶豈能一一如約茲具鄙見二十事上陳電囑倘賜采行亦肅清江海之一術撫

衛蒼生之小補也條具于下 一曰舉將材夫民之安危係兵兵之勝負在將傳曰將不知兵以其卒予敵也歷觀武弁見此輩安享國恩無操危慮深之學兼以膏粱之子不閑金革貪者則朘剝士卒怯者則虛糜廩祿目覩殺人劫財心駭肉戰或閉門退縮或駕舟遠避賊去之久始放砲鳴金虛應故事如此而欲江洋之靖得乎伏乞憲臺詢訪擇其忠謀素著不貪不怯者任之求真材以收實効此今日之切務也 二曰選士卒今日沿江士卒其在軍衛者則積年巨猾在有司者皆市井無賴一聞警報將雖欲敵而彼先倡爲利害之說以恐

之臨敵之際復退怯不前甚有受賊月例反通關節將之謀未施而賊先得其機預爲術以破之者累歲不獲捷音職此故也本縣瓜步弓兵及東溝民壯本職親選武藝精通膂力過人者始用之但各處老弱疲憊之卒甚多而欲與亡命之狡寇相持其不敗衄也者幾希各處軍民之卒必慎選而後可用也 四曰堅舟楫夫水戰之有舟猶陸戰之有馬盜舟堅緻牢實雙桅檣楫破浪衝風可晝可夜而我軍樓櫓不固帆檣不完攻則易靡追則不銳是無應敵之具也況各處修理巡船自有錢糧可用但軍衛有司因循不舉耳乞行令各屬通行

修理務期完固以歷久遠毋應故事冒破錢糧以資食計既修之後必坐名委人看管毋致損壞始應敵有本也六曰緊關扼夫禦賊有要不執其要而汗漫求之則爲力愈勞而功竟不可得要者何九達之道狹隘之江盜賊必經之區我軍可戰可守之地是也要津爲何曰鎮江曰儀真曰青山曰瓜步皆京北可阻截擒勦之區也本職始任未遑卒飾器之時有事京口見江盜白日劫財瓜步之渡無敢誰何之者又有事於儀真見青山之區沙船突下約二十餘隻列戟橫矛鱗排貫棹把截之官明知爲盜無敢一問之者何也將不得人而兵

弱也乞憲臺委令各處把截員役選帶精銳橫船扼口朝夕嚴禁遇有賊船卽隨機勦截若賊勢眾大力不能支卽馳報上下之兵協力擒勦金陵之北可保無烽燧矣 八日革月卯巡檢之設專爲統兵江洋巡哨截殺不知昉於何時而有南京月卯之行每月二十九日離司過京三十日應巡視衙門卯初一日應內外府廳與應天府換巡環卯初二日應操江都察院卯臨淮侯卯初三日南京閑住初四日應戶部大堂及雲南司卯此日戶部不坐初五日始得應卯而歸至十三日又離司赴京如前至十九日始回是一月之間不急之務先占

半月官旣不在何人率兵防禦此事之至弊者也可因  
可革伏乞尊裁 九日絕夜棹江舟之盤詰於晝者無  
俟言矣而弊最在於夜盜賊蹤跡詭祕方其未劫也則  
乘夜而來逮其旣劫也則乘夜而去盤詰之兵曾無問  
之者由是夜棹往來信爲常事雖有盜舟而亦漫不知  
察無怪其猖獗也伏乞憲仰沿江把截官員每遇夜則  
橫鎖貫舟不令一船往來其有往來者不論常人盜賊  
一概拘繫次日查究此亦弭盜之一術也 十日禁沙  
船雙桅船節奉欽依事例令地方嚴拏入官而各處多  
不奉行蓋賊船過人之藝在操舟耳沙人之船分外輕



扁入風皆能鼓舞其來其去疾如翔羽我舟殿乎其後  
雖有勇卒謀士技莫能展此後沙船載糞載商止許一  
桅者行於江上仍要改尾粉稍編號給牌方得無禁其  
雙桅者雖牌照亦不容行蓋此爲水盜之長伎必用禁  
除者也本職二年以來拿獲二十餘隻申報操巡二院  
分令要害去處彩畫用之頗爲有助乞督憲巡司把截  
官一月報拿一隻有者免罪無者重責多者給賞此令  
一行三月之間不戰而盜息矣 十一日慎援兵巡兵  
之設一處少者纔一二十人中者三五十人多者不過  
百人而盜賊之來連舟集夥動逾數百眾寡不侔強弱

不敵欲委罪於我卒亦不絜矩之甚也此後賊入一境  
本境之兵力不能勦則舉烽燧飛報卒使鄰兵刻期救  
援相機截殺後期不援者許本境之兵報院重加治罪  
十二日仍額卒祖宗於險要之地設立兵卒有一定  
之數蓋約量地之險易定卒之多寡最有輕重而近日  
廟堂之上急于備北遂欲廢天下弓兵民壯是猶斷手  
足而安心腹也瓜步弓兵原數五十名去歲因聞警報  
欲備遊兵之用仍裁去四名今已太平無事乞台慈仍  
給原額庶兵勢不孤而擒敵有本也 十三日明界限  
緣江軍衛有司各有一定之界自六合言之南至唐家

渡唐家渡而南則觀音門暗伏官軍地也近因界限不預報本院每遇失事則彼此推避莫能折中爲今之計凡江洋之在憲屬者行各州衛細查照依原定界限開說分明庶責有所歸而人心知警禦矣 十四日清洲戶盜賊不殄雖由於產之者有源亦由於容之者有地夫盜賊之產於秦興崇明太倉靖江江陰沙上故此方謂之沙寇而近江之洲曠濶多勢豪軍民雜處其間不能自種卽名佃人其佃人率多沙上之人不無盜賊之親識宗族在內彼此容畱窩隱莫可踪跡是以白晝空舫而出夜則滿載而歸及有追捕非截江拒敵則赴援

洲主城狐社鼠不熏不灌其情可惡本職始創條約凡  
洲在六合之境者不論豪勢軍民一洲之上將所居男  
婦大小姓名年籍編造一冊送縣仍立一洲長凡洲邊  
有警急令率眾救援朔日赴縣應卯行之久遠似亦相  
安不知推之他所有裨否也用敢掇說以備採擇 十  
五曰慎保甲保甲之設亦古人守望相助之意屢經操  
巡兩院出巡明示但有司不肯奉行耳此法一行真可  
息寇六合小邑在京衛所屯田三十有六民寡軍多往  
者保甲之法不立水陸之寇多匿軍屯本職近者行之  
一月之間得強竊盜拐帶四十餘人地方以寧此其明

効也其在崇明泰興靖江太倉尤爲急務如穿心港史家沙河港黃家港萬壽寺新港急水港廟港青草溝過船港呂家港圖山黃山門周家橋盜賊聚嘯出沒之區雖曰惡土其中未必絕無良民姑宥既往之愆自本院頒令爲始以後有仍前不悛者許同保同甲之人舉首仍將其家劫得財物賞之否則連坐行之旣久其盜亦可弭矣 十六日設遊兵今之邊方自總兵副總之外有所謂游擊者專巡行邊圉往來游伺一聞賊警卽行截殺今之長江少此一帥本職爲縣符所繫不能上下江洋而守備解明者亦庶幾之獨恨其兵寡不支耳應

天府檢校張大倫生長邊鄙勇略素著拘之府領才豈克施以本職鄙見本院憲牌委令本官常在瓜步住劄聞上下警報卽領率本職所選之兵勦之若患其寡再於應天四縣選兵裨益蓋應天所屬八縣上江二縣原未有兵六合小邑止有民壯七十分爲二班一班在縣看守倉庫獄囚一班舊在東溝今移瓜步協同弓兵截殺而江浦衝繁民壯供役亦甚勞悴獨句容溧陽溧水高淳大縣民壯至有三五百者終歲空閑未擒一寇其間間有爲巡捕官賣放虛糜朝廷廩食吮竭赤子膏脂深爲可惡本職鄙見欲每縣就令張檢校精選驍勇武

藝者隨其多寡如六合事例聚之瓜步日日操練有警則率之截殺本等工食自足俯仰長江有此關鎖盜賊何由而猖獗哉但人情安於蹈常而難于慮始恐繼本官者不得其人不欲創開此例其議遂寢當此多事之際乘可用之才暫行委用後不爲例亦可也本職有見于靖江而無見於破例故有此說伏乞本院憲裁之十七日宥戮亡諺曰殺人三千自損八百戰鬪之間交鋒對壘縱爾全勝難保我軍必無傷殘近有戰亡軍卒加罪之條武弁遂假此藉口自本職鄙見有敢于戰鬪者雖陣捐軍卒尚當以功論若退縮規避巧於謀全者

雖部伍不損亦罪所不原如此則忠者不至於取禍而巧者無所肆姦矣 十八日收全勝夫水戰與陸戰爲不同陸戰一見之間便當交刃而水戰則不然何也寇與我軍相敵人完膽壯其氣甚銳若不審時宜輒登盜舟必反爲盜制凡江中殺寇須以火器叢攻盜舟傷殘一半稍近則箭弩齊發又傷殘一半盜之銳氣盡索勢必不支我舟乃環於其外用灰瓶火棒槌亂打灰騰煙障盜不能視隨用石塊拋擊又用最長堅竹了篙一擁而刺之勢必傾倒沉溺萬全之策無過於此若有便風恐彼乘遁則用燒篷箭燒之 二十日役捕軍浦口峙



神京之北此地設領勅守禦官一員並五衛官若干員  
軍卒若干名馬若干匹三倉供之歲用俸若干草若干  
束一歲通計費銀數千兩蓋祖宗深意謂此地居大江  
之北畱此兵以當北衝且以備緩急也夫此地濱臨大  
江有江河溪澗橋梁之阻騎盜絕不敢窺獨當長江要  
害險狹可戰可阻形勢之盛無過於此若此地添設戰  
船二十隻使多軍更班防禦焉爲祖宗之制不可全廢  
百年無用徒費芻豆爲今之計裁去一半以蘇民困一  
班控馬操於江干一班駕舟操於水次仍令守禦統之  
定其界限北以唐家渡爲界南以江寧鎮爲界水盜出

沒令彼統兵截殺長江有此不惟可以益蒼生真可衛  
根本近者掌科林先生蓋嘗言之旨下計議而守禦者  
不欲任責其議遂寢若然是尸位而浮食矣豈有百姓  
率妻孥終歲勤動血粒汗禾以供冗食員役哉此天下  
不通之論也近日保定巡撫衙門遣兵至江浦捕李邦  
珍居民疑其爲盜驚惶無措浦口去江浦僅咫尺而守  
禦者不發一卒禦之撫操衙門竟令本職提兵而入民  
始獲慰又本職三年以來獲過水陸強竊拐帶四百餘  
名其在浦口者近百是浦口爲盜賊淵藪也夫守禦之  
官旣不與水戰又不事旱防率眾羣食於心寧無愧哉

乞本院題照新江口事例將此鎮官卒收入本院增船截戰爲益甚多則根本有賴而行旅獲安矣此地方今日之要務也

請蠲免疏

明 張國維

奏爲浦六畱畿要區被兵安集非易催徵應恤驛站宜  
甦謹據申報情形仰祈聖明矜允以奠根本事崇正九  
年五月二十日准戶部咨該本部覆職題前事內開賊  
氛南下連破含和頓兵攻浦長驅過六其焚掠鎮市蹂  
躪鄉邨勢所必然今據該撫疏請蠲緩前來除六合縣  
俟該撫查報另議外合無將江浦縣八年分一應存畱

錢糧該撫按酌量蠲免以示寬恤可也等因前事今據六合縣知縣鄭同元申稱奉職憲牌卑職單騎減從親詣本縣西南北各縣村鎮堡地方簡看得竹鎮集雷官集施官集中所集大營集裴家集及各鄉地方各居民被賊殺死者砍傷頭顱或去臂膊或斷其手足者傷心慘目不忍言皆係所轄百姓其房屋被賊焚燒者十有六七未燒者挨門逐戶劫擄一空有殺死屍身者卑職已令各保長傳諭各認掩埋隨取各集保長具結開報其焚掠屠戮之最慘者無如竹鎮集雷官集所遺黎民方歸故土又被土賊夜劫一空風飡露宿哀聲載道卑

職親帶土兵百名到集安撫略加賑恤不能多及其被  
寇之雷官集地接滁州殺掠亦多有面被數鎗而未死  
者有一家兒媳盡膏斧鎖獨餘煢煢老夫無家可歸者  
皆喁喁望恩以保朝夕伏乞大渙洪恩具題蠲免錢糧  
并將本縣積穀票行卑職親往賑濟大抵竹鎮雷官集  
大小遠近竹七雷三則彼此兩得其平人人果腹延至  
今冬收成即可苟延殘喘二集生靈不啻死生而骨肉  
之矣等因具詳到職該職看得六合無城爲寇窺探必  
經之孔道賊自不得志于江浦疾趨其地先焚村鎮以  
揚兇焰幸官兵扼截有方賊懼而奔滁所過村集乘其

急而屠掠轉甚該縣所報西南北無不被殘而竹鎮雷官集尤慘字字皆實據也頃計部仰體皇上嚴議江浦酌免八年存留奉有俞旨在六合則俟職查報另議故敢冒瀆以請諒聖明同仁之視雨露無不沾濡矣抑職更有請焉曩奉皇上輕徭之令職等已議于九年扣減免減具疏上聞矣今酌蠲在八年存留則蠲無可蠲何以仰宣德意查十年錢糧在今冬開徵伏乞改八年爲十年容職等預期酌蠲旨遵行庶寬恤在未追呼之前較之蠲逋者更甦其力且蠲免原係應得存留不係京邊一轉移間而國無缺供民沾實惠湯沐邀再造之恩

矣臣謹會同巡按劉合詞具題

南庾卽事詩十九首

庚午九月  
作有序

呂維祺

初直謂南庾不足耳不意其至此極也室如懸磬仰屋  
顛汗卽欲借一前箸而肘又掣直是手不停批目不交  
睫其何有濟偶一拈筆得如許句止期達意不計工拙  
采風者讀之而不下淚非情也然其中苦心處實有格  
格喉間而不能盡達者視古詩十九首不知何似其於  
桑土杼柚萋楚諸篇腸倍熱矣

根本今豐芑秣陵王氣偏人家依柳港江水界蘆煙兵  
食孤城窘安危一綫懸已無媯煉石何計補民天

十年前此地豈遽匱如斯可惜空前箸其堪實漏卮到  
今惟束手相見盡攢眉都說怡堂燕將無厝火危  
豈應綿力任一擔付書生自愧無心計差能冷面情憂  
深周世淺恩重視官輕國難方如此寧天未欲平  
烽煙曾四起蹂躪幾難支南掠方鷹颺西連復鼠闕此  
中需餉急豈止震鄰危帑藏空如洗誰能巧婦炊  
危形今其見奇貨舊誰居仰屋連朝急量沙此月虛會  
須三十萬纔貯九千餘老庫前年鎖塵封腐蠹魚  
近年頻苦擾每借爲兵窮越折江糧抵黔軍楚餉空所  
虧連百萬豈復念南中猶笑鄰逋債翻爲索債翁



往事如談虎先憂甚喘牛連年南計苦屢厯北宸憂令  
甲漕難截呼庚例始畱徙薪君不信母乃到焦頭  
大廉必利國反似與貪同蹇匪躬之故坤其代有終先  
宜求害馬須亦念歸鴻杼柚今空盡誰云獨小東  
東南民竭矣元氣蝕催科惜以填貪腹兼之耗逝波積  
逋三百萬續命斗升多催檄雖風雨其如不應何  
法散南方玩軍驕外解稀陋規官會送積蠹吏分肥狡  
兔仍三窟神妖竟肆飛風霆元不測其敢扭天威  
欲破叢神窟其中徑竇深飲河憑鼠滿竭澤恣漁侵到  
處談常例無人信此心誰同家事做爲下頂門鍼

屯逋三十萬黠弁總頑冥比責餘無法革參終未靈斂  
錢填應卯攬納漏旗丁何術微寬政遲催待赦停  
當此如沈痼苦無醫國方隔絲難補瀉元脈繫存亾肘  
露襟難捉心剜眼尚瘡不知誰一七可以到膏肓  
持籌原不慣直是古迂儒財賦東南出民艱楚越呼權  
輕雙肘掣擔重一肩孤何以號將伯同心黽勉圖  
算緡如市賈數米類倉攢臂痛塵批積心嘔鉢借難戴  
星方退食亭午未傳餐天子焦勞甚臣憂敢自寬  
命脈關輸輓庖丁貴善刀汰浮刪兔角節費入牛毛塞  
穴當堤潰遺鉞向海撈猶嗤桑孔輩民利析秋毫

天下溝中久誰甘此任虛髮膚非自愛才識愧吾疎學  
問還經世綢繆慮侮予設今尼父在會計想何如

到此將三月忙無一晝閒報衙勞日課草蔬痛時艱濠  
上漁誰見松陰鶴自還那能公事罷豁眼問青山

海涸諸邊困泉壅九府非兵單兼盜起帑竭況民饑遠  
近皆戎莽憂危在弩機聖恩猶未報忍遽說初衣

右南庾卽事詩十九章并序一首先大司馬忠敬公爲  
南京戶部右侍郎時作讀其詞有以知明之不振而先  
公致命遂志其精誠已見于楮墨間矣

燕昭幸際

承平來守茲土兢兢奉職每懼頽其家聲今修府志敬列

先作如右用誌警惕

第六世孫燕昭 謹識

請舒江南三大困疏

國朝 郎廷佐

爲請舒江南三大困以奏治平之實效事竊臣以驚下  
之材繆膺重寄懼深蚊負寢食靡寧臣到任三月餘調  
濟兵民清理錢穀痛禁夙弊振飾紀綱凡係有害於地  
方者無一不與撫按諸臣同心釐剔期爲我

皇上安此一方民然治國如養身必使元氣充足血脈貫通而  
後百骸無恙可臻上壽倘或諱其積疚而弗肯明言狃  
於暫安而不請醫藥必至元氣漸傷疾病大作雖有盧  
扁莫可收拾治國亦然也夫惟江南一省乃數省咽喉

水陸通衢不知者見其車塵馬迹民物熙融以爲太平  
世界殊不知官困於考成民困於徵逋商困於封船似  
此三者是爲目前極難治理之事若憚於難治坐待其  
敝而不自難治之中求一變通之法雖欲守法度遵功  
令不致滯礙而不可得官吏非不遵功令百姓非不守  
法度實勢理使然也臣係江南長吏明知地方之疾苦  
不獲無變通備告於我

皇上是臣等所冀何辭臣謹陳三事於後伏乞

採擇如法調劑事事安妥不數年間民自含哺鼓腹不知

帝力之可有也封疆幸甚軍民幸甚 一舒官吏考成之困今

江南官吏多以降調爲幸爲錢糧積欠多而考成嚴也夫以數年之積逋追徵於一時且有見年之錢糧併督完納未完一二分卽有一二分之考成未完六七分卽有六七分之考成輕則罰俸住俸重則降調而去如上年考成十餘年錢糧各衛守千降革殆盡無官委署又不容其暫畱理事反覺未便再如府縣降調更換者難以枚舉夫以數年積逋催徵一時官知考成之不能免盡力捶敲已有必去之念民知官長之必去視爲電泡絕無懾服之心若勤於催科便拙於撫字尚能出其餘力宣布

皇仁教民爲善耶臣恐政事日壞民心日偷所關地方之治化匪淺尠也臣愚請將考成規則去其降調一節至重不過革職帶罪仍令在任課其成功旣已革罰帶罪又不能遂其去志勢必安心治理勉力前圖庶政事不致於廢弛人才亦得以展布或有疲聾不振難堪治理之人臣與撫按諸臣指名參處另換賢能如此而官吏考成之困可舒矣伏候

睿裁

一舒民間積逋之困今江寧一省自 年起至 年止積欠錢糧至 萬 千 百兩矣如是之多果實欠在民耶所欠之數弊竇多端亦有官吏侵蝕濶稱民欠者

亦有解銀出庫解役烹分者屢經清查必不能徹底一  
清者何也乃新舊牽涸頭緒多端姦役朦朧上下彌縫  
故也若不變通成例設一良法雖百年亦正如此臣愚  
請以十四年爲止通將以前拖欠各目無論本折統造  
清冊交與右布政司徹底清查不許仍用左布政書役  
用絕夙弊或係已解而無批迴者或係經承侵欺那借  
須查各解役書役姓名註於項下按數清追以上各項  
獨造一冊或係某官支用或奉某官提去而不應開銷  
者皆列姓名註於項下雖陞遷離任亦必查追間有死  
故無人可追卽分註明白請示定奪以上各項獨造一



冊另將民間實欠之數獨造一冊議定一年正徵若干大張告示使民知有應納之數冀有完期自不肯甘受敲撲得以辦納完納一兩卽給與一兩之完票完納十冊卽給與十兩之完票分頭督催責成各道按其道屬府州縣卽令右布政造一總冊與之立定考成握總者係右布政分催者係各該道按冊而稽專理舊欠至於十五年應徵一切新糧單責左布政起解存畱直捷了當如此則徵新補舊之弊得除借端欺隱之情盡杜而民間積逋之困可舒矣伏候

睿裁

一舒商民封船之困江南一省乃數省咽喉舟楫所通

商賈所至多聚於蕪湖鎮江省會發貨之地一切貨物俱係船裝船多貨多則各關之稅銀足額而無虧今則不然矣向因封船載兵商多裹足其所封之船雖給食米等項然船中所載之貨必移置于岸上坐困商賈或謂客貨船隻禁止封覓止封空船殊不知江河之船盡係客船舍客船而不封空船能有幾隻可以載送往還之兵馬乎致誤軍機孰爲重大以分船之十分論之八分皆客船也風聞封船之事大有不便其間種種情弊種種苦楚鄭圖莫繪自臣任事之後已經四五次萬分艱難每當封船之時各船俱聞風遠遁江河一空千方

百計僅能了事至今日封船之術已窮船戶之避愈巧  
此後大兵往還仍待封船必致誤事若不急急預籌萬  
一臨期無措咎將誰諉臣見江西撫臣題請造船備送  
兵馬已經部覆請

旨允行矣江西旣已造船江南亦宜速造如江西造江南不造  
勢必偏累江西南北遠送終非久遠之計與臣共事者  
三處撫臣請從江西之例

勅下三撫臣江西是何造法江南亦可踵而行之庶商賈無封  
船之苦征師有可坐之船而封船之困可舒矣伏乞

睿裁

敬陳江屬疾苦疏

國朝 衛貞元

題爲敬陳江屬疾苦事今談江南者動輒曰財賦之邦  
繁華之地也而不知江南固自有其疾苦也請卽省會  
而直言可乎士無恒產多鶉結以興嗟農卽力田亦鳩  
形而浩歎百工技藝日應繁差不暇不免號饑坐賈行  
商月值飛票班頭可憐盡折他如兵馬往來之供應棍  
蠹捏誣之詐欺斯土斯民其疾苦詎堪屈指乎夫不至  
其地不知其地之苦也卽至其地而不知察究不知其  
地之苦也臣遍履城野祕悉呻吟而使下情壅於上聞  
罪茲大矣茲除應卹應禁業已飭行外謹摘切要五款

爲我

直陳之一酌協濟江寧爲閩省會城凡

使之往來大兵之調發率由焉水必封船陸必養馬諸如芻  
糗槽餽鍋缸蔬肉等項無一敢缺頃師旅會集供應益  
繁而搬運需夫動輒萬計官旣點金之無術吏卽析骸  
而莫支軍務孔殷詎能徒手以應乎夫兵馬爲閩省過  
來江寧豈堪獨累臣謂應將實用銀分派各郡檄于存  
畱欵內酌節解濟其所用民夫亦應本屬八縣公議鈞  
出度使勞逸皆得其平而供應不匱官民俱甦矣一  
清投充察南民投充惟江寧爲多而江寧惟溧陽最甚

顧若輩非盡艱窘而然也半屬作姦惡棍半屬逋罪強  
徒急欲逞兇遂爾走險一經收錄大肆猖狂或夥赴市  
廛以陵商或橫行村鎮以詐懦有司憚其惡而不敢制  
小民畏其威而不敢言流毒播虐尚有紀極乎臣愚以  
爲旗下民間皆我

皇上赤子也多一坐食之兵卽少一力耕之民矣若輩遊手亾  
賴亦何能披堅執銳乎或應請勅防江各旗以後凡係  
投充必擇年力精壯者始行錄用自收錄後卽令上檔  
歸旗專供驅使如敢借探親以生事假討債以詐人許  
被害家扭稟有司官有官卽爲申究庶所收皆可養上

不至空耗乎太倉而旣養皆可用下不至徒噬乎小民矣 一均加增高淳湖陂易沒永折漕糧嗣因行月不敷驟議科派夫淳折僅一萬一千四百餘兩今增至二萬二百有奇淳民豈堪此重科乎且稽通省運船共千三百二十八隻耳卽每船扣三十六兩合計止四萬七千八百餘金迺高淳加八千七百九十七兩零泗州加五千九百九十九兩零以暨下江之嘉定安東興化共增錢一十一萬是竟多六萬有餘也行月不足加增應爾行月已足多取何爲此項給之軍則無名徵之民則不服無怪五州縣之屢控不休也臣愚以爲應請勅下

漕督臣再加酌議應加者加應去者去應均者均庶被加之州縣無獨苦之悲而議增之錢糧有易徵之便矣一飭牧放江寧暨屬邑田地非稻卽蔬原無荒曠迺每歲春夏間滿州例放馬匹其意不過欲飼青資壯耳而爲之牧者往往驅之良疇綠畝蘆笋麥苗中縱橫踐踏此鄉賄囑又走別鄉而各營與各衙門牧馬諸役率尤而效之益不至遍詐不已也嗟呼漕田蘆洲爲國課民命之關乃作牧馬艸場軍民其何賴乎似應急請天言嚴加飭禁以後牧放馬匹須遣官擇濱江荒野或有艸空山自帶帳房立界守牧如仍前損壞禾稼擾詐鄉里者



許被害家據實赴控如法重懲如是庶兵民安田野治而漕糧與蘆課均有攸賴矣 一懲詐告江寧衙門最多訟事亦復不少其訟師訟棍久矣與積猾老姦打成一片矣遍訪諸鄉民可詐者卽捏事架詞以害之且庫役侵庫則有告訪犯完贓則有告雖是非究必明白而貲囊早已罄懸斯民誠大可憫也察有句容蠹惡丁耀等侵糧數萬告害幾三百餘人經臣親訪重懲行省釋然如丁耀者實繁有徒也似應特請

嚴綸通行申禁凡衙蠹訪犯流徒解逃等項俱不許捏詞誣良各衙門亦俱不許准理如有妄控擅準者卽照所捏之

審裁

罪倍懲之度詐欺之術窮而良善之困解似亦懲惡綏良之實政也以上五款俱屬切體之痛癢敢不依方補救倘有可採伏乞

開秦淮通丹陽河議

國朝 程京萼

朱子謂岷山之脈一支南出而東北盡於建康其自西折而北則起新安之黃山而南自績溪寧國廣德建平溧陽北至金壇起茅山又北逕丹陽句容至鎮江西南向金陵以起鍾山長山駒驪

鎮江府山

諸山之水皆東滙于

丹陽之練湖茅山以東之水皆東滙於金壇之長蕩湖

而自句容以西則其水無不歸於金陵以西入大江山  
脈界於南北水源分自東西此天地之性自然之勢也  
秦淮一水發源於句容之西而西北流入於江此自開  
闢以來未之有改今進言者曰秦淮本自句邑之三台  
閣而東滙於丹陽之香艸河又東北入江以西流之水  
爲東逝之川歷稽載籍未見所據若信有之則自茅山  
以至鍾山其脈必皆能飛度而後秦淮之洞貫穿穴乃  
無所不可有是理哉說者謂由三台閣之東二十五里  
而至掘河此秦淮之舊迹又曰掘河者秦人之掘處也  
按邑志有掘河之名不詳所自其字則不作掘而作屈

郡志又作掘然則謂秦皇掘此以成河者其傳會鄙俚不待明者而後見矣且彼旣曰秦淮之正流而又曰始皇之所掘自相矛盾在已固無定見而欲天下信之其可乎蓋爲此說者但欲導秦淮於句邑之東而誣以本自東流不知水可誣而人不可欺也建康志云秦淮水有二源一發句容之華山南流一發溧水之東廬山北流合於方山埭西經府城中至石頭城注大江輿地志元和郡縣志祥符圖經竝同皆無東滙之說又按句容縣志首列縣境之圖而識之曰句容大水西歸金陵又有三台閣圖而復識之曰本邑隨龍大水內小水俱滙

於閭右繞元武向西歸秦淮使此邦之人視其水之東西誠無關於輕重之數則未必三致意於此矣然則今之輕議開鑿者不獨有害於金陵亦非句邑之利也然猶可諉曰此邢家之言也今使百萬之金錢可糜山陵之當道者可鋤百姓之家墓田廬可毀開鑿深廣如意所欲某猶以爲不便請試言之句容金陵之有河也皆以夏秋之間山水時至非若淮北之運道有昭陽駱馬諸湖與濟汶七十二泉之灌輸也以地勢論則句容高於丹陽十餘丈高於金陵亦不下十丈當春水未生與霜降水落金陵之地有舟楫而無所施況句邑乎十丈

之高開未及半山水暴漲層堰累閘猶或通舟然不待霜降已先秦淮而涸矣若開至十丈與秦淮等其深亦屆秋冬而必竭矣是此河一歲之中通舟楫之日少而廢舟楫之時多也又奚賴焉或謂河開既深則東西皆得江湖之助按自金陵至丹徒內地之勢俱高於江故鎮江漕渠最易淤淺無歲不濬而金陵則河流視江水爲消長大都河未枯而潮已縮故惟夏秋之際江漲潮盈乃能有資於河而謂東西達江則終歲可以通流亦未爲明於事情者也況旣曰深通則水性就下設夏秋之間山水四發河流瀾漫外挾江潮直瀉而下莫可止

過雲陽毘陵以東地勢尤卑必有陸沉之患而金陵句  
曲亦有竭澤之虞當此之時孰任其咎說者曰孫吳六  
朝嘗開句容中道至雲陽西城以避京江之險未之聞  
乎是前事之師也噫彼徧安一隅爲無聊不得已之計  
固有然者方今

聖明在上梯航萬里海不揚波乃驚畏險阻於門庭戶牖之前  
何所見之不廣也江自岷峨而下何在不險能於岸之  
左右悉開一河以避之乎邇來上自金陵下及京口百  
八十里之內洲渚叢生港汊錯列在在可避風濤所  
黃天蕩者半爲葭葦之場江之不險又莫此爲甚矣且

此江東則直達海門西則控引荆楚南岸上自慈姥浦  
下至下蜀港北岸上自浮沙口下至東溝濱江津要以  
數十計皆盜賊之所窺伺也墩臺瞭望櫛比鱗次以衛  
行舟而賈舟客舫絡繹往來亦互相警察今盡驅入內  
河則二百里之天塹必爲萑苻之藪其險之可畏有倍  
蓰於風濤者不是之察而猶自矜康濟之略多見其不  
知量也說者曰水之泛濫民之昏墊是亦有心地方者  
所宜加之意也夫句容一邑凡澗溪之可名者無不歸  
於絳巖湖以達秦淮絳巖湖自孫吳下及宋明代修堤  
堰置斗門蓄水以資灌溉近日居民乃悉占而爲田湖



之存者無幾矣秦淮源遠而受水眾今鄉間諸支河旣爲民田侵蝕日以湮沒城中則正流淺狹而支河澱淤有夷爲平陸者水潦爲害職此之由今不知復絳巖疏秦淮以瀦以洩而以通丹陽爲得計猶人之病在脾胃而欲奏功於喉舌也豈不謬哉自隋唐以來千數百年未聞持此意者近乃有無知之商賈郊野之細民輒爲是說而好事之徒從而和之巧言如簧冀以煽惑當世求非常之功乃於先賢則爲刺謬於古籍則爲無徵於事理則爲乖舛詳究終始無一可者某學識疏淺何敢論列是非獨念金陵冠冕南服本諸山川之靈懿使可

任情開鑿則古之建邦立國者何取於相陰陽觀流泉哉況此千數百年之中豈無命世之君子奮然爲民興利考其所議唯在於修赤山之塘濬秦淮之支而不聞襲破岡上容之餘智者何也彼固知此河之開而必廢有損於財而無益於民者也尚書曰無稽之言勿聽弗詢之謀勿庸敢私議之以待採擇

江南賑饑記

國朝 王宏祚

粵稽三代而上有荒歲而無荒民堯湯水旱民鮮子遺之嗟其時主聖臣良視民猶子補救備至故天不能爲之災繼至周禮荒政十二補救極其詳盡然行之後世

者爲散利薄征最切夫散利卽今之賑簿征卽今之獨二者皆善政也若通行于官民間以推廣德義莫亟于賑之一法也我

皇上御極以來如天好生加惠元元每聞四方水旱災傷倍厘宵旰庚戌歲淮揚大浸流莩載道時督撫諸公繪圖以奏

皇上惻然軫念

詔發帑金廩粟遣大臣會賑辛亥大旱復遣大臣截漕開賑嗣鳳屬旱蝗特甚又加賑焉匪惟蠲租緩征而已且允督院麻公之請

聖主賢臣所以生全此災黎者亦既周且渥矣獨是江寧省會之地五方錯處歲一不登米價湧貴加以遠近饑民趨省丐食絡繹不絕遂至價益倍增兼會城貧窶皆成載道饑夫時事之可憂寧僅人滿已耶幸際麻公駐鎮兩江其善政及人更僕莫數大要以

朝廷愛民之心爲心邁茲啼饑慘目請獨旣格成災乞賑亦嫌數竇毅然倡議賑粥有以費大難繼之說進者公弗顧怒如調饑之在躬而不能一刻緩也採輿論著聲善士者敦禮之授以方略俾董賑事一切薪米之資先爲措給懸示勸諭仁言諄懇維一時諸公憂患同心分

猷襄事或罄捐積俸或易質裘馬或多方勸諭竭蹶急  
公勇義若渴爰訂十二月朔設一粥廠于城南之報恩  
寺設一粥廠于城內之關帝廟始就食者各以數千計  
日漸至二三萬因亟移城內一廠于城東之觀音閣增  
一廠于城北之靜海寺三廠日計口數萬人日需米數  
百石登計簿稽章章可覩第江南邇年水旱頻仍人多  
匱乏家鮮葢藏自贍不給責捐輸于窮盡之日葢難言  
矣乃今紳士商民無論在籍者樂輸恐後馴至越界越  
疆聞風而效壺漿之惠且競推而爲泛舟之役也昔韓  
魏公爲廣會倉應受米者三日一給人一升幼者半之

陳文惠公知壽州遭歲大饑公自爲粥以食餓者吏民以公故皆爭出粟以活數萬人富鄭公移青州河朔大水民流江東勸民出粟得十五萬斛益以官廩凡活五十萬人此皆善行其賑者也麻公匹休古人授糜盈器因人爲善時于臨政之暇減從輕騎偕司府營協周視三廩稽職事之勤情視治粥之精粗覩稠人之授受事益飭而民益親慈悲佛號所由作也藉微實有人饑已饑之至情幾何不秦越視之虛文應之汎汎焉付之胥吏之手以茲興平之弊哉余過從觀賑糜汁濃膩散給應時男女別于途出入循其序董賑者奉命而不殫其

勞就食者飽德而各遵其令聚散萬饑民于一所卒無擁擠顛蹶之虞聚數十萬饑民于一城并無穿窬盜賊之患儼然有韓富紀律部署其地化鳩鵲而成含哺鼓腹之氓荒政可弭盜賊不已陰寓于賑饑之內耶所謂有荒歲無荒民于今親見之依稀三代而上之風也事竣諸善士以公均賑四月有奇日全活數百萬生靈功德希有而慕義向風者亦爲近今罕見不可以無紀乃請余記以垂不朽余越人也蒙

恩予告金陵調攝夙疾敬謝不文第余躬逢其會聿觀厥成誼不獲辭勉爲之記得以覽焉而有感也若夫急公助賑

協力經營則織造曹公藩司徐公慕公臬司陳公糧道  
王公驛道王公學道簡公郡守張公城守張公郡佐魏  
公馮公楊公何公胡公暨上江二令也捐輸爲士民首  
倡則鄉紳佟鄧胡蔡徐葉黃張諸公分厥董賑不憚勞  
瘁者報恩則沈黃劉龐諸朱安楊觀音閣則黃龔錢高  
靜海則卞姜萬羅也例得備書

重修顏魯公放生池菴碑記

國朝 陳大受

江寧城西有烏龍潭舊傳唐肅宗乾元二年顏魯公爲  
浙西節度使時奏置放生池於此後之人於潭側建菴  
祀公而仍以放生名蓋不沒公所以名池迺所以不沒



公也明正統中奄人立靈應觀於山上至

國朝康熙二十二年道士居仙極盡沈歷年禁碑數畧入  
潭時孝感熊公以相國僑居白門率紳士言于制府于  
清端公罪居仙極而逐之潭故有二壩未幾大府又令  
以上壩屬觀下壩屬菴由是兼井之勢成而放生之事  
廢而不講矣且不惟是也潭之旁山嶺回互霖雨旣降  
水潦下注於潭賴其深廣以容井潭者苟籍輸課之名  
而種菱植藕使日就淤填水至而無所歸則浸淫四出  
破屋壞垣邇來十年之間居民三被其患則是害之大  
者乾隆八年邑之諸生以其事來聞余惟昔之人愛及

於物而今無以庇吾民心竊媿焉乃屬邑令謀於其邑之人而復菴以祀魯公又爲改下壩潭課入於後湖之盈餘繼自今以往處不爭之地加以濬治游泳者有所歸泛濫者有所止物若其性民安其居而常無戕賊擾害之者是誠魯公之所深慰者與

禁革里圖貼差牘文

國朝 尹繼善

爲釐定里圖派貼永蘇民累事照得上元江寧二縣地當省會每圖按甲輪當糧戶派幫陋費整萬盈千名爲大貼小貼由來已久皆係猾里姦胥互相勾結恣事侵漁從前雖屢經禁革皆未能正本清源條分縷析至今

公私交混上下因循本署部院恨積弊之未除憫小民之受累悉心確核徹底清釐其必需實費酌量存留一切濫費全行裁革卽不得已之公事亦皆設法承應不許復取之里民亦不許復取之縣書以免因端藉口院司道府廳各衙門書役舊有縣役餽送陋規亦一概全革以防舊弊復萌此番立定章程務期實力遵守爾糧長吏胥須知法在必行行期必力切勿陽奉陰違自投法網爾無知百姓切勿受人愚弄自捐脂膏所有應存應革條款開列于後曉諭城鄉仍刊木牘樹立縣前倉前垂之永久毋違 應存項下一該戶書經管冊籍文

案紙張飯食等項在所必需應準每圖貼銀四兩計六十五圖共貼銀二百六十兩其餘全行裁減 一本圖管冊每年查造額征銀米細冊紙張飯食等項在所必需應準每圖貼銀二兩計六十五圖共貼銀一百三十兩其餘全行裁減 一縣令爲親民之官據報衣箱馬踏看堂扛握燈籠火把支更等項每日約需夫十名每名雇值三分准每圖貼銀一兩六錢六分零計六十五圖共貼銀一百八兩 以上三款每縣共存輪年大貼銀四百九十八兩 應革項下一全革漕糧南米貼費上元縣銀二千九百餘兩江寧縣銀三千九百餘兩米

一千九百餘石查漕糧南米聽花戶各自赴縣完納其應交之費已經定有章程極爲省減不許混入大貼里長重價包交 一全革上元縣代交南豆之弊查南豆原係正供應聽花戶赴縣自納不許混入大貼包交 一裁革江寧縣冊書浮費銀九百一十兩 一全革里歇貼費上元縣銀二千二百餘兩江寧縣一千六百餘兩查花戶完糧隨處住宿聽其自便何用里歇盤踞勾引作姦茲弊宜行嚴禁違此立拿處死 一全革上元縣每年春冬備席會糧銀七百餘兩查係糜費應行節省 一全革催差盤纏貼費上元縣銀七百八十餘兩

江寧縣銀一千三百兩查在官人役承差辦公分所當  
爲卽頑石抗糧致被差拘亦係一人之事何得累及通  
圖 一全革承直院司府道廳各衙門及

欽差經臨伺候執事夫役上元縣銀六百三十二兩江寧縣銀  
一千四百五十二兩查在省各衙門執事應令各衙門  
人役承辦需用水火打掃等夫應動養廉自備僱覓清  
書應設法辦理其拜

牌接訟等項應動校尉力士支剩工食臨時僱用

欽差各大人到省及祭祀行香迎禧迎春巡城秋審等項應動  
府屬走遞夫皂工食臨時僱用扛握行李卷箱等項應

令遞運所水旱承差至科場三年一舉應動公項一理  
均不許派之里圖取之縣書以省苦累以上共革上元  
縣銀九千一百七十餘兩江寧縣銀一萬六百七十餘  
兩米一千二百餘石此後或將已革之款捏辭再取  
於革款之外藉名另派嚴拿治罪斷不姑寬慎之凜之